

BOSNA I HERCEGOVINA
Federacija Bosne i Hercegovine
TUZLANSKI KANTON
JP „Međunarodni aerodrom Tuzla“ d.o.o.

Broj: 05/2-45-348-9/26
Dubrave Gornje, 4.04.2026.godine

Na osnovu člana 69. stav (1) tačka a) i člana 70. Zakona o javnim nabavkama BiH („Službeni glasnik Bosne i Hercegovine“ broj: 39/14, 59/22 i 50/24), te prijedloga Komisije za provedbu postupka javne nabavke na JP „Međunarodni aerodrom Tuzla“ d.o.o., u ime Uprave Javnog preduzeća Direktor JP „Međunarodni aerodrom Tuzla“ d.o.o., d o n o s i:

O D L U K U

o izboru najpovoljnijeg ponuđača

I

Ponuda ponuđača „ALFE-MI“ d.o.o. Živinice, za ponuđenu cijenu od **22.850,00 KM bez PDV-a** proglašava se najpovoljnijom, te se imenovanom ponuđaču dodjeljuje Ugovor o nabavci modularnih objekata na JP „Međunarodni aerodrom Tuzla“ d.o.o.

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima-uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja, i objavit će se na web-stranici: www.tuzla-airport.ba u skladu sa članom 70. stav (6) Zakona o javnim nabavkama.

O b r a z l o ž e n j e

Odlukom o pokretanju postupka broj: 05/2-45-348/26 od 13.03.2026.godine, pokrenut je otvoreni postupak za nabavku modularnih objekata, ukupne procijenjene vrijednosti 23.500,00 KM.

Tenderskom dokumentacijom i obavještenjem o nabavci rok za dostavljanje ponuda je bio do 06.04.2026. godine do 09:00 sati, a javno otvaranje pristiglih ponuda izvršeno je istog dana sa početkom u 09:30 sati, a što je konstatovano zapisnikom sa otvaranja ponuda broj: 05/2-45-348-7/26. Zapisnik sa otvaranja ponuda dostavljen je svim ponuđačima u skladu sa zakonskim i podzakonskim aktima.

Komisija imenovana za provođenje predmetnog postupka je pristupila pregledu i ocjeni dostavljenih ponuda. Predmetnom tenderskom dokumentacijom utvrđeni kriterij za dodjelu ugovora je „NAJNIŽA CIJENA“.

Prema zapisniku sa otvaranja ponuda broj: 05/2-45-348-7/26, Komisija konstatuje da su blagovremeno zaprimljene dvije (2) ponuda i to ponude ponuđača:

1. **MK ALU PLAST d.o.o. Zavidovići**, čija je ukupna cijena ponude iznosi 23.500,00 KM bez PDV-a
2. **ALFE-MI d.o.o. Živinice**, čija je ukupna cijena ponude iznosi 22.850,00 KM bez PDV-a

Pregled i ocjena pristiglih ponuda

Komisija je izvršila uvid u ponudu ponuđača **MK ALU PLAST d.o.o. Zavidovići** te je konstatovala da ponuda sadrži uredno popunjen i potpisan obrazac za dostavljanje ponude i obrazac za cijenu ponude. Predmetni ponuđač je u pogledu uslova za kvalifikaciju dostavio popunjenu i ovjerenu izjavu iz člana 45. i izjavu iz člana 52. Zakona o javnim nabavkama BiH.

U pogledu sposobnosti za obavljanje profesionalne djelatnosti, Komisija je utvrdila da je ponuđač dostavio kopiju aktuelnog izvoda iz sudskog registra. Tenderskom dokumentacijom tačkom 3.2.3. je definisano da se dokazi o ispunjavanju uslova iz člana 46. Zakona dostavljaju u originalu ili ovjerenoj kopiji (organ uprave – općina, sud ili notar).

Uvidom u dostavljeni dokaz konstatovano je da isti nije ovjeren na način kako je to propisano tenderskom dokumentacijom, te se dostavljani dokaz ne može smatrati ni originalom ni ovjerenom kopijom.

Imajući u vidu navedeno, dostavljeni dokaz se ne može prihvatiti kao valjan, te je Komisija ponudu ponuđača ocijenila kao nepravilnu u skladu sa članom 68. stav (4) tačka i) Zakona.

Komisija je pristupila pregledu i ocjeni ponude ponuđača **ALFE-MI d.o.o. Živinice** te je utvrdila da sadrži uredne obrasce za ponudu i cijenu ponude.

Ponuda sadrži popunjenu i ovjerenu izjavu iz člana 45. Zakona i dokaze o ispunjavanju uslova od tačke a) do tačke d) predmetnog člana, kao i popunjenu i ovjerenu izjavu iz člana 52. Zakona.

Kada je u pitanju ispunjavanje uslova iz člana 46. Zakona, ponuđač je dostavio ovjerenu kopiju aktuelnog izvoda iz sudskog registra, a na osnovu kojeg se može konstatovati da je registrovan za obavljanje predmetne djelatnosti.

Komisija je, na osnovu dostavljene dokumentacije i ponuđene cijene, predmetnu ponudu ocijenila prihvatljivom.

Nakon završenog pregleda i ocjene pristiglih ponuda, Komisija je utvrdila da samo ponuda ponuđača **ALFE-MI d.o.o. Živinice** ispunjava uslove koji su definisani predmetnom tenderskom dokumentacijom. Obzirom da ostale pristigle ponude ne ispunjavaju uslove definisane tenderskom dokumentacijom, Komisija je konstatovala da nema osnova za provođenje e-aukcije.

Na osnovu naprijed navedenih činjenica, Komisija je predložila Ugovornom organu prihvatanje ponude ponuđača **ALFE-MI d.o.o. Živinice** i donošenje odluke o izboru najpovoljnijeg ponuđača shodno članu 70. Zakona o javnim nabavkama.

Na osnovu prijedloga Komisije za provođenje predmetnog postupka javne nabavke, donesena je odluka kao u dispozitivu.

PRAVNA POUKA: Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučeno poštanskom pošiljkom.

Dostavljeno:
2 x Ponuđaču
1 x Evidencija
1 x a/a



PO OVLAŠTENJU

Izvršni direktor za marketing i razvoj
Mirnes Vejzović